



Broj: JN05-16-4-45-4/25
Sarajevo, 12.09.2025. godine

Na temelju člana 69. stav (2) tačka d) i člana 70. stav (1), (4) i (6) Zakona o javnim nabavkama („Službeni glasnik Bosne i Hercegovine“ broj: 39/14, 59/22 i 50/24), ministar pravde Bosne i Hercegovine, donosi

O D L U K U

o poništenju postupka javne nabavke usluga servisiranja kontradiverzione opreme za potrebe Odjela sudske policije Ministarstva pravde BiH

I

Poništava se postupak javne nabavke usluga servisiranja kontradiverzione opreme za potrebe Odjela sudske policije Ministarstva pravde BiH u skladu sa članom 69. stav (2) tačka d) Zakona o javnim nabavkama Bosne i Hercegovine, jer je dostavljena ponuda neprihvatljiva i nepravilna.

II

Postupak nabavke iz tačke I ove odluke se poništava, odluka stupa na snagu danom donošenja.

O b r a z l o ž e n j e

Ministarstvo pravde Bosne i Hercegovine je 01.08.2025. godine, pokrenulo konkurentski postupak nabavke usluga servisiranja kontradiverzione opreme za potrebe Odjela sudske policije Ministarstva pravde BiH te izvršilo objavu 13.08.2025. godine na portalu javnih nabavki Agencije za javne nabavke Bosne i Hercegovine www.ejn.gov.ba.

U ostavljenom krajnjem roku za dostavljanje ponuda pristigla je 1 (jedna) ponuda i to od ponuđača:

1. Middle point electronics d.o.o. Sarajevo, Džemala Bijedića 35, 71000 Sarajevo

Nakon analize i procjene pristigle ponude, Komisija je utvrdila da dostavljena ponuda ponuđača Middle point electronics d.o.o. Sarajevo, Džemala Bijedića 35, 71000 Sarajevo ne ispunjava formalno-pravne uslove navedene u tenderskoj dokumentaciji, pa se kao takva smatra neprihvatljivom i nepravilnom.

Ponuda ponuđača Middle point electronics d.o.o. Sarajevo, Džemala Bijedića 35, 71000 Sarajevo nije prihvatljiva obzirom da cijena ponude prelazi planirana, odnosno osigurana novčana sredstva ugovornog organa za nabavku. Ponuda je dostavljena u iznosu od 22.520,00 KM bez uračunatog PDV-a, dok planirana vrijednost nabavke u skladu sa tačkom 2.1.2. tenderske dokumentacije iznosi 19.658,12 KM bez uračunatog PDV-a.

Tačkom 3.1.3. tenderske dokumentacije broj: JN05-16-4-45-2/25 tehnička i profesionalna sposobnost – član 50. Zakona o javnim nabavkama BiH propisano je:

“Sukladno članu 50. Zakona o javnim nabavkama, ponuđač može sudjelovati u postupku nabavke ako ispunjava sljedeće uslove:

- a) da je osposobljen za usluge servisiranja opreme koja je predmet tendera;
- b) da posjeduje licencu Državne regulatorne agencije za radijacijsku i nuklearnu sigurnost Bosne i Hercegovine za obavljanje djelatnosti tehničkog servisa za zaštitu od zračenja (radijacijski

monitoring radnog mjesta i kontrola izvora jonizirajućeg zračenja - isključivo rentgen uređaja za kontrolu prtljaga i za detekciju eksploziva).

Da ispunjava navedene uvjete, ponuđač je dužan u sastavu ponude dostaviti sljedeće dokaze:

- a) Izjavu pod punom materijalnom i kaznenom odgovornošću da je osposobljen ljudskim i tehničkim kapacitetima za vršenje usluga servisiranja opreme koja je predmet tendera;
- b) validnu Licencu za obavljanje djelatnosti tehničkog servisa za zaštitu od zračenja (radijacijski monitoring radnog mjesta i kontrola izvora jonizirajućeg zračenja - isključivo rentgen uređaja za kontrolu prtljaga i za detekciju eksploziva.).

Nadalje, propisano je da u slučaju da se u ponudi ne dostave dokazi iz ove tenderske dokumentacije ili se ne dostave na način kako je naprijed traženo, ponuđač će biti isključen iz daljnjeg sudjelovanja zbog neispunjavanja navedenih uslova za kvalifikaciju.”

Shodno navedenom, ponuđač je u ponudi dostavio nevažeću licencu za obavljanje djelatnosti tehničkog servisa za zaštitu od zračenja (datum prestanka važenja 13.04.2024. godine), te je zbog toga isključen iz daljnjeg sudjelovanja u ovom postupku javne nabavke zbog neispunjavanja formalno-pravnih uslova traženih tenderskom dokumentacijom.

Slijedom navedenog, Komisija je jednoglasno dala preporuku ministru pravde BiH da se u postupku nabavke usluga servisiranja kontradiverzione opreme za potrebe Odjela sudske policije Ministarstva pravde BiH, sukladno odredbi člana 69. stavak (2) tačka d) Zakona o javnim nabavkama, kojom je propisano da je ugovorno tijelo obavezno poništiti potupak javne nabavke u slučaju da: d) nijedna od primljenih ponuda nije prihvatljiva, **donese odluku o poništenju postupka javne nabavke.**

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) dana od dana kada je primio odluku, odnosno obavještenje o poništenju postupka.

Prilog:

- Zapisnik o ocjeni ponuda

Dostaviti:

- Ponuđači u postupku,
- a/a.

